

9
6
GRATULATIONIS
SIGNIFICATIO

EXHIBENDA

A CONGREGATIONE

SACERDOTUM SÆCULARIUM

*In Domo Profefs. Rom.
SOC. JESU*

Illmo ac Rmo Dño Dño

CAROLO CAJETANO

S T A M P A

Archiepiscopo Mediolanensi &c.

Ejusdem Congregationis olim
Sodali ac Patrono .



ROMÆ, Typis Antonii de Rubeis. 1738.
SUPERIORUM PERMISSU.




Illmo ac Rmo Dño Dño

CAROLO CAJETANO

S T A M P A

Sanctæ Mediolanensis Ecclesiæ
Archiepiscopo .

*Congregatio Sacerdotum Sæcu-
larium in Domo Prof.
Rom. Soc. Jesu F.*

 Eremur, Illustrissime,
ac Reverendissime Præ-
sul, ne Officium putetur
Ambitio, & ne ob-
sequentissimi esse dum volumus,
appareat opinionem nos Homi-
num, existimationemque venari:
Intelligimus quippe perhonorifi-
cum nobis esse hac publica Gratu-
lationis celebritate in medium
proferre Mediolanensem Antisti-
tem, ac talem Antistitem nostris
exercitationibus interfulse, &

nostrum hunc Coetum praesentia sua semel, iterum, ac tertio nobilitasse: Quid enim tam amplum, aut tam praclarum de nobis excogitari unquam potest, quam ab eo ornari, & in pretio aliquo haberi, cujus omnino exquisitissima laus est sive Generis Nobilitatem species, sive Acta in gerenda Republica, sive acceptum nuperae Dignitatis Incrementum?

2. Profecto ad genus quod attinet Norunt universi clarissimam in Italia gentem de Stampa jam inde usque a temporibus Caroli Magni ex nobili ejusdem Duce originem trahere qui Mediolani stetit, ibique trecentos unum, & sexaginta annos vivens exegit, ut Heroum Parens veterum instar Patriarcharum consuetae vitae praeter ordinem excederet. Norunt ex ea Gente per consequentem omnem aetatem prodierunt fortissimos copiarum Ductores, Integerrimos Principum Administratos,

5

stros, viros demum omnis divini
atque humani Juris consultissi-
mos, quos inter splendidissimum
veluti Sidus emicat Jacobus Ma-
ria Stampa quem *Senatorum Flo-
rem, Patriæ ornamentum, veræ
Amicitiae Firmamentum* suo certo
ac proprio Vocabulo Cives nun-
cuparunt. Quamobrem jure om-
nes existimarint Gentis hujusce
Prolem Heroas illos Parentes
agnoscere, qui virtutum electissi-
marum exemplo Nepotibus præ-
iverint, & rerum gestarum glo-
ria Italiam quam qui maximè
commendaverint.

3. Verùm si parvi quis fecerit
quod proprium non est, aut pro-
pterea hæc à nobis narrari putet,
ut juxta S. Hieronymi Doctoris
Maximi effatum *quod in Virga non
potest, in radicibus demonstratur*; Is
recolat memoria nobilissimas Le-
gationes quibus Carolus Cajeta-
nus Stampa tum apud Magnum
Etruriæ Ducem, tum apud Sere-
nissimam Venetiarum Rempubli-

cam pro Sede Apostolica functus est, ac planè cognoscet tanti Viri in perturbatis arduisque negotiis explicandis Prudentiam, in capeſſendis conſilium, in agendo verò, tractandisque hominum ingeniis dexteritatem propè ſingularem, quibus ille dotibus cum innocentia Vitæ, Moderatione ac Pietate conjunctis, & rei quam gerebat publicæ optimè conſultuit, & ſibi apud omnes ordines benevolentiam, venerationemque conciliavit: Fuerit olim ſapientum opinio: *Difficillimam eſſe illam Societatem Gravitatis cum Humanitate*, conſtans ea viſa eſt, ac peculiaris Oratori Pontificio, adeo ut neque facilitas de Auctoritate, neque ſeveritas quidquam de ſuavitate detraheret: Diuturnitas Præſecturæ non rarò Hominiſatietatem, & ſaſtidium creat; Factum eſt Venetiis Pontificii Legati virtute, ut quo diuturnior erat ipſius mora, eò prudentiſſimi Senatores ſuſpicerent illum

magis : Scilicet non ad speciem illi inerat virtutis fictæ Imago, quæ statim exolefcit ; sed veræ solidæque , quæque temporis diurnitate se maximè produnt Animi dotes : Hæc qui fedulò expendit , præfertim fi illa publica iis munera adjecerit , quæ idem benè compositèque administravit five ditionis Ecclesiasticæ Civitatibus cum præfuit , five in Urbe ipfa Sacræ Cardinalium Congregationi à secretis , Episcoporum, ac Regularium bono cum profpexit , intelliget profectò hunc egregiis ortum majoribus , non sub umbra , ut ajebat Seneca , fuorum laterè , fed rebus præclare gestis vetustiffimi generis splendorem latius diffundere .

4. Hùc accedit laudum tantarum cumulum commendabiliorum reddi ex accepto nuperæ Dignitatis Incremento : Dignitas nimirum Mediolanensis Archiepiscopi tanta est ut tenuem etiam & humilem hominem vel sola in-

immensum extolleret : Hæc enim amplissimum in Ecclesiastica Hierarchia locum obtinens Italiam ornat , atque antiquissima ac recentia Catholicæ Religionis sæcula memorabilibus factis illustrat : Hæc Jus constituendi inaugurandique Italiæ Reges non Longobardicis tantum , sed & Francicis , & Saxonis , Svecicisque temporibus Pontificio ac Cæsareo Diplomate obtinuit : Hæc eò devenit fastigii ut Mediolanensis multarumque aliarum Urbium dominatum exercuerit , Reges atque Imperatores ipsos sibi obsequentes viderit , cum Ravennate Archiepiscopo , quando ejus Autoritas maximè florebat , de Principatu certaverit , & suos inter Præsules Ambrosium , Galdinum , Carolum aliosque ferme supra triginta in Sanctorum Album relatos conspexerit . Statuat propterea & judicet unusquisque quanti æstimandus is fuerit qui sua & Majorum laude spectatissimus , plurimis

rimis maximisque in rebus probatissimus tantæ nuper Dignitatis acceperit Incrementum : Præsertim cum à CLEMENTE XII. illud acceperit , cujus sanctissimis moribus probari , ac beneficio frui certissimum est consumatæ virtutis Argumentum atque Indici-um , & secundum Benedictum Cardinalem Odescalchum illud acceperit , cui succedere quemadmodum oneri esset alteri , ita huic , quem pias religiosissimi Prædecessoris preces à Deo impetrasse conjicimus , paris meriti locupletissimum est Testimonium : Præclarum enim vero putamus facturos omnes de Viri præstantia judicium , cui nostrum interponentes in ea nos sumus sententia ut ex nuperæ Dignitatis accessione Carolus Cajetanus Stampa talis emineat , qualis Gigas emineret si in monte consisteret .

5. Veremur proinde (ut ad initium revertamur) ne officium putetur Ambitio , & ne obsequen-

tissimi esse dum volumus, appareat opinionem nos hominum, existimationemque venari. Quid ergo? A debita observantiæ significatione abstinebimus? Absit ut metus adversæ suspicionis nos cogat ab officio, institutoque discedere: Stat illud apud nos, stabitque semper quod olim pronuntiaverat Cicero: Videlicet: *In officio colendo sita vitæ est Honestas omnis, & in negligendo Turpitude*: Quamobrem fatius duximus minus bellè apud aliquos audire, quàm ab officio & honestate declinare. Exigit gratus Animus, ac memor beneficii ut publica gratulatione de Mediolanensium foelicitate lætemur, ac tibi additissimos in primis nos esse apertè ac palam profiteamur. Id præstamus has Tibi de Historia Ecclesiastica, has de facultate Canonica Theses dum inscribimus: Te verò, Præsul Illustrissime ac Reverendissime, hanc qualemcumque nostræ observantiæ testifica-

ficationem non aspernaturum singularis quæ humanitas pollicetur; Proprium est enim summis viris, ut nihil eorum fastidiant, quæ exigua sint licet, gratum tamen & officiosum animum probant.

T H E S E S

Ex Historia Ecclesiastica.

1. **A**N S. Barnabas fuerit primus Mediolanensium Antistes, qua de re nonnulli ex recentioribus dubitare cœperunt ex eo quod neque in S. Ambrosii Mediolanensis, neque in S. Gaudentii Brixienfis operibus ullus invenitur locus, ubi suatum illi respectivè Ecclesiarum laudibus arrogent prærogativam Cathedræ ab Apostolo Barnabâ institutæ?

2. *An Canticum Te Deum laudamus fuerit Mediolani à S. Ambrosio & S. Augustino compositum* Quod negant nonnulli pariter ex Recentioribus, illudque ajunt compositum

tum à Monacho quodam Benedictino, Sisebuto nomine?

T H E S E S

Ex Facultate Canonica.

1. **A***N* Archiepiscopus possit cognoscere de Causis Subditorum suorum Episcoporum Suffraganeorum extra casum Appellationis, & quando ratione consuetudinis, aut Privilegii specialem jurisdictionem non obtinuerit: Videtur enim quod non, quia contra est aperta decisio Innoc. III. in Cap. duo simul de off. Jud. Ord. apud Gonzalez. Videtur autem quod sic quia Archiepiscopus in tota sua Provincia, & Primas in universo suo Primatu absolutam obtinent jurisdictionem: ex Can. 34. Apostolor.?

2. *An Archiepiscopus possit corrigi, & excommunicari à Concilio Provinciali suorum Suffraganeorum.* Siquidem ex una parte videatur respondendum negativè quia Archie-

chiepiscopus est Caput Concilii Provincialis, & suis membris non debeat subesse Caput. *Ex Cap. cum non liceat de Præscript.*: Ex alia verò parte videatur respondendum: *Affirmativè*: quia Concilium Provinciale adeo majus est Archiepiscopo, ut ab hoc appelletur ad illud: ut constat ex D. D. cit. à Navarro l. 1. consil. 2.

DE RITU AMBROSIANO

Brevis Dissertatio.

1. **S**ANCTA Mediolanensis Ecclesia in officio, & Missa aliisque sacris functionibus Ritus servat Ambrosianum, qui multum differt ab eo quem Romana servat Ecclesia: Hujus Author uti asserit Joseph Vicecomes lib. 2. *De Rit. Missæ* fuit S. Barnabas Apostolus, auxit deinde illum S. Miocletes, postremò illustravit S. Ambrosius, atque idcirco Ambrosianus post ejus decessum dici cœpit, cumque de illo abolendo age-

ageretur, fuit eodem Vicecomite teste cum Ughellio divinitus miraculis confirmatus.

2. Cum enim, inquit Ughellius, Imperante Carolo Magno Hadrianus Rom. Pontifex eo nomine I. Imperatoris ipsius præsentis authoritate ad tollendam Rituum varietatem uteretur, ac proinde Romanum Ritum Mediolani constituere contenderet, Sanctus quidam Præsul Gallus nomine Eugenius qui cum Cæsare Romam forte venerat, Ambrosiani Ritus Patrocinium suscepisse fertur, ac divino monitu talem proposuisse divinæ voluntatis explorandæ rationem. Siquidem ipso annuente Pontifice Missales libri Gregorianus pariter, & Ambrosianus supra Aram maximam B. Petri positi fuere, & occlusis Templi foribus, fusæ sunt interea preces ad Deum ut quod optimum esset indicaret, mane foribus reclusis deprehensa sunt Gregoriani libri folia per Templum di-

disiecta, sparsaque : Ambrosiani verò libri per mensam Altaris dumtaxat dispersa : Ex eo itaque Patres significari dixerunt, Gregorianum quidem Ritum totum in Orbem disseminandum, Ambrosianum verò sua dumtaxat in Mediolanen. Ecclesia, ac Diocesi retinendum, prout factum est. Hactenus Ughellius.

3. Porro Ritus ejusmodi *quoad Missam* longior est quam Romanus, & ut observat Gavantus, Græcæ liturgiæ magis adhæret : Multa peculiaria habet quæ fusè recenset Card. Bona l. 1, cap. 10. rerum liturgicarum : Ea inter notatu dignum est quod Ambrosiani nunquam dicunt *Agnus Dei*, nisi in Missa pro Defunctis : Textus Scripturarum quas legunt in Missa non semper congruit cum editione vulgata : in his enim, & præsertim in psalmis utuntur peculiari versione, quæ antiqua & Italica nuncupatur, cujus integrum corpus, teste Card. Bona, nul-

nullibi extat , solumque psalterium remansit cum canticis . Præterea per totam Quadragesimam Ambrosiani nullam habent Missam pro Feria sexta , nec celebrant ea die , cum plena illa mœroris sit ob Christi Passionem ut expendit S. Carolus in Synodo undecima Dioecesana . Celebrans solemniter in Metropolitana medius inter Diaconum & Subdiaconum oblationes Panis & Vini more antiquo recipit quas duo Senes de Schola quam vocant Sancti Ambrosii , Senibus cæteris comitantibus , offerunt ; Idemque descendens ad ingressum Chori inferioris recipit Mulierum oblationes quas duæ item Seniores iisdem cæremoniis offerunt . Sunt & alia quamplura quæ ad Sacrificii ornamentum specialiter ab hac insigni & antiquissima Ecclesia observantur , sed hæc innuisse sufficiat .

4. *Quoad officium seu Horas Canonicas* Ritus Ambrosianus antiquior

quior est Romano, siquidem illum S. Ambrosius ejusque Prædecessores instituerunt, hunc autem Gelasius vel S. Gregorius Papa qui ambo post S. Ambrosium floruerunt, ut notat Joseph Vicecomes, à quo etiam accepimus Antiphonas primum à Græcis fuisse introductas, apud Latinos autem ab eodem S. Ambrosio primum fuisse Horis Canonicis interjectas, unde constat Romanum Ritum *quoad officium* plura desumpsisse ex Ambrosiano. Observat autem Card. Bellarminus consuetudinem Antiphonarum apud Latinos introductam quidem fuisse à S. Ambrosio, sed hoc intelligendum taxativè de solo officio Ecclesiastico: Nam in Sacrificio Missæ Antiphonas, seu quod idem est, modum canendi psalmum alternatim tradidit Cælestinus Papa ut in ejus vita legimus. Extant etiam ipsius S. Ambrosii Hymni pro singulis Horis Canonicis ut refert Bellarminus, quam-

quamvis ad Tertiam, Sextam, & Nonam iisdem hymnis utatur Ambrosiana quibus utitur Romana Ecclesia. Psalterium dividunt Ambrosiani in duas partes. Alteram à psalmo primo ad 109. *Dixit Dominus &c.* nocturnis vigiliis, alteram usque ad finem diurnis Horis assignant, atque in hujus secundæ Partis distributione sequuntur omnino Rom. Ecclesiam, secus verò in distributione primæ partis. Adamussum omnia ad hujusmodi officium pertinentia exponit Card. Bona de *divin. Psalm.*, quem confulas si lubet: Duo tamen minimè præteream primum est quod regulariter Ambrosiani tres tantum recitant lectiones, at Feria sexta in Parasceve legunt novem lectiones, quarum tres ultimæ sunt integræ Passiones. Secundum, Marcum, secundum Lucam, secundum Joannem: Alterum est quod iidem habeant quasdam vespersas de Sanctis Patronis, & Titula.

tularibus Ecclesiarum, quæ dicuntur cum vigiliis, in quibus post primam orationem dicitur primus psalmus, tum legitur una lectio de vita illius Sancti cum suo Responsorio, & post aliam orationem dicto secundo Psalmo legitur alia lectio cum suo item Responsorio: Denique dicto Cantico *Magnificat* cum psallendis cantantur Litanæ cum quibusdam orationibus &c. Vide Card. Bona loc. cit.

5. Præter Ritus Missæ, & officii plura etiam alia peculiariora habent Ambrosiani concernentia Ecclesiasticam disciplinam; nam tempore S. Ambrosii quoad Quadragesimam servabatur Mediolani usus Græcorum de Sabbato non jejunando; etenim S. Ambrosius in lib. de Elia, & Jejun. cap. 10. ita habet *Quadragesima totis præter Sabbatum, & Dominicum, jejunatur diebus*: Addebatur tamen alia Quadragesimæ Hebdomada quæ eundem, aut fere eum-

eumdem ac nunc apud nos pro Jejunio explebat numerum 40. dierum . Nam teste Card. Bellarmino lib. 2. de bonis operibus in particulari cap. 15. , in Ecclesia Catholica omnibus sæculis tum apud Græcos , tum apud Latinos Jejunium Paschale fuit dierum quadraginta aut ferè quadraginta: Addit infra idem Card. qui *jejunare volebant quinquagesimam pro Quadragesima , ii volebant secundum Ritum Græcorum non jejunare die Sabbati : Sic enim detractis Sabbatis , & addita una hebdomada reddit idem numerus dierum , quibus jejunatur &c.* Coeterum cum hic mos non placuerit Ecclesiis Latinis , & idcirco mandatum sit à pluribus Conciliis , ut omnes jejunent Sabbata Quadragesimæ ; exolevit quidem apud Mediolanensem Ecclesiam talis Mos , sed ipsa non recepit additionem factam quatuor dierum ante primam Dominicam ut videlicet substituerentur in locum Dominicarum

carum quibus non jejunamus, & compleretur numerus quadragenarius: Verùm Ipsa jejunat triduum Litaniarum minorum sivè ut vocant Rogationum, ac propterea ex antiquo Ambrosiani Ritus instituto eæ in Ecclesia Mediolanensi celebrantur in Hebdomada post Ascensionem Domini, siquidem tempore illo labente inter Pascha & Ascensionem jejunia non usurpentur ab Ecclesia: Pariter ineunte eo triduo servatur cæremonia sacrorum cinerum quibus tam Clerus quàm Populus per manus Sacerdotis aspergitur; ut Fit apud Rom. Ecclesiam Fer. iv. quinquagesimæ. Adventus habet sex septimanas, & incipit Dominica post Festum S. Martini ex Azor. l. 7. inst. c. 25. Baptismus ministratur per immersionem; antiquissimus enim hic mos apud Ambrosianos perpetuò retentus est, ab eoque non recedendum præcepit S. Carolus, nisi imminens Mortis periculum

in-

instaret &c. In Festo Epiphaniæ ,
 uti docet Galestinus ad notas Mar-
 tyrologii , celebrant Ambrosiani
 quatuor Myſteria , ſicuti olim
 Africana celebrabat Eccleſia ,
 nempe Baptiſmum Chriſti, Con-
 verſionem Aquæ in Vinum , Ad-
 ventum Magorum , & miracu-
 lum quinque panum , & duorum
 piſcium : Præterea nocte præce-
 denti maximo Populi concuſſu
 cantant officium Matutinum ut
 in Noctæ Natalis Domini , accen-
 ſis more Græco multis luminibus .

6. Demum Ambroſianus Ritus,
 quamvis olim obſervaretur , teſte
 Joſepho Vicecomite , non ſolum
 Mediolani & in ejus Diœceſi , ſed
 etiam per totam Liguriam Subal-
 pinam & Maritimam , imò ejus-
 dem obſervantia extenderetur ad
 Bononiensem & Faventinam Ec-
 cleſiam; Hodie tamen Pars non ex-
 igua Diœceſis amplexa eſt Ritum
 Romanum, imò in ipſa Civitate fe-
 rè omnes Regulares Romanum Ri-
tum tenent : & quamvis laudatus

Falsus de Cisterciensibus

- ensibus S. Ambrosii

Jo-

Joseph Vicecomes asserat factam
 esse ab antiquis Pontificibus po-
 testatem unicuique amplecten-
 di Ritus Ambrosianum, hoc ta-
 men non crediderim habere lo-
 cum post Bullam S. Pii V. *Quod à
 nobis &c.* & idcirco non satisfac-
 eret præcepto recitandi Horas
 Canonicas, qui obstrictus reci-
 tare more Romano, recitaret
 more Ambrosiano etiamsi recita-
 ret pro uno tantum die: Ex Ca-
 strop. tom. 2. tr. 7.: Contra verò
 putant nonnulli posse addictum
 Ritui Ambrosiano recitare uno
 vel altero die juxta Ritus Roma-
 num, sed huic assertioni obstat
 lex S. Caroli qui sancivit ne qui
 Ambrosiani sunt alio quam Am-
 brosiano Officio uterentur ex Sy-
 nod. 2. Decret. 5.: obstat etiam
 fortasse & illa ratio adducta à Car-
 din: Bellarmino de bonis Operi-
 bus l. 1. cap. 18. scilicet, quoniam
 quemadmodum Clericus quia Ec-
 clesiæ mancipatus atque addictus
 est ad Officium Ecclesiasticum
 obli-

obligatur, sic etiam quia tali Ecclesiæ ratione Beneficii addictus est, talis Ecclesiæ Officium recitare tenetur, nec potest nisi necessitas exigat per aliud alterius Ritus suo oneri satisfacere. Dixi *fortasse* obstat; nam quando sermo est de Ritu Romano, cum Romana Ecclesia sit Mater omnium Ecclesiarum, & expediat omnes se illi conformare docent probabiliter Sententiam præcedentem oppositam Cajetan. v. Hor. Can. n.6., Lessius l.2. cap.37. dub.12., Sanchez Confil. Moral. l.7. cap.2. dub.23. Rodriquez qq. regul. resol. 24. aliq., & quamvis S. Pius V. ad mutationem Ritus proprii requirat consensum Episcopi & Capituli; id tamen notat Tamburinus de Hor. Can. procedere respectu Chori, & respectu publicæ ac stabilis mutationis, non autem respectu mutationis privatæ, ac per accidens.

7. Dubitabit hic aliquis quinam censendus sit addictus Ritui Ambro-

brofiano ? R. Præmittendo in primis utrumque Riturum Ambrosianum & Romanum effe *Riturum Latinum*, quamvis Ambrosianus, ut dixi, multum fapiat Græci Ritus; etenim in Ecclefia Occidentali unicûs fervatur *Latinus Ritus* teſte Card. Bona l. 1. Liturg. cap. 7.

Præmitto 2. Latinum Riturum dividi in Romanum & Ambrosianum dumtaxat, ſi preſſè ac ſtrictè loquamur; nam cæteri Ritus Latini, ſeu omnes alii ſivè Sæculares ſivè Regulares qui habent Miſſale Latinum proprium, ac Ritus quosdam proprios diverſos à Romano non cenſendi ſunt in rigore conſtituere Riturum diſtinctum à Romano, nec Riturum peculiarem inducere; nam docet Card. Bona in loc. cit. diverſitatem eorum non eſſe tantam ut Ritus eorum *Specificè*, ut ita dicam, differant à Romano, ſed ſolùm *numericè*.

8. His præmiſſis: Ut quis cenſeatur obſtrictus Ritui Ambroſia-

B

no

no non satis est ut sit ex Ritu Latino ; nam omnes servantes Ritus Latinum paucis dumtaxat exceptis , Pipino , & Carolo Magno Regnantibus propriis usibus relictis Romano uti cæperunt : ex Card. Bona : item non satis est ut sit Origine Mediolanensis ; nam multi Regulares , imò etiam Sæculares Sacerdotes origine Mediolanenses non habentes Beneficium , & ordinati ad solum titulum Patrimonii nec adscripti Clero Ambrosiano non censentur obstricti Ritu Ambrosiano : ex Card. Bellarmin. l. 1. cap. 18. de bonis Operib. : item non satis est ut subsit Jurisdictioni Spirituali Diœcesani Mediolanensis ; nam non exigua Pars Diœcesis Mediolanensis licet subsit tali jurisdictioni , tamen observat Ritus Romanum , uti testatur ipse Joseph Vicetomes inquirens causas , cur id factum fuerit , & Longobardis Regibus eas partim ascribens , & partim diversitati Diœcesis , quam olim

olim ea loca constituebant.

9. Quare distinguendum puto pro majori claritate inter hoc quod est: Esse Addictum & obstrictum Ritui Ambrosiano in ordine ad Missam & Officium; atque esse addictum & obstrictum eidem Ritui in ordine ad consuetudines, Ieiunia &c. Hac verò distinctione posita: Censeo 1. Illum esse addictum Ritui Ambrosiano in ordine ad Missam & Officium, qui habet Beneficium in ea Parte Diœcesis Mediolanensis, in qua servatur Ritus Ambrosianus, vel vivit in aliqua Communitate tanquam Pars illius, in qua custodiatur adhuc post S. Pii Constitutionem idem Ritus Ambrosianus, Vel Sacris Ordinibus initiatus, adscriptus est juxta dispositionem Tridentini sess. 23. cap. 16. Statuentem ut quilibet Clericus in sui ordinatione alicui certæ Ecclesiæ addicatur, adscriptus, inquam, est Clero Ambrosiano. Ita collig. ex Bellarm. loc. cit. Ratio

est quia addictus alicui Ecclesiae, vel alicui coetui, intelligitur addictus Ritui quem proficitur illa Ecclesia vel ille coetus; cum autem per Beneficium in aliqua particulari Ecclesia, vel per vitam & Professionem in aliqua Communitate, vel per additionem alicui certo Clero iudicetur quis addictus tali Ecclesiae vel tali Communitati, aut Clero sequitur ut etiam sit addictus Ritui ejusdem Ecclesiae & Communitatis, Cleri, & consequenter &c.

10. Confirmatur ex Synodo Dioecessana II. Decret. 6. S. Caroli, ubi S. Archiepiscopus dilucidè idipsum explicat. En ipsius verba: *Illud universis & singulis iis Clericis, qui Ambrosiano more Divina Officia obire debent; vel quia (ecce rationem formalem) Ecclesiastica Beneficia obtinent, in quibus hoc ipso Ritu, moreque ipsa dicuntur, vel quia ipsi addicti sunt Ecclesiis eodem Ambrosiano Ritu utentibus, vel quia Sacris Ordinibus initiati in huius*

*jus Urbis aut Diœcesis Clero adscripti
sunt ; iis edicimus atque jubemus &c.*

Ex quibus verbis liquidò constat
unam ex triplici enumerata qua-
litate sufficere ac requiri ut quis
censeatur addictus Ritui Ambro-
siano *quoad Missam & Officium*.

11. Censeo 2. Illum esse addi-
ctum Ritui Ambrosiano in ordine
ad consuetudines , jejunia &c. qui
est addictus eidem Ritui in ordine
ad Missam & Officium , ac pari-
ter illum qui domicilium fixum
ac stabile habet in locis seu Paro-
chiis in quibus servatur Ritus Am-
brosianus ; nec est Membrum ali-
cujus Communitatis , in qua non
servatur talis Ritus, sive Laicus
sit , sive Clericus. Prima pars est
certa : Altera Pars suadetur ex
Praxi , & ex Suarez de Sacram.
disp. 44. ubi docet per tale domi-
cilium reputari Hominem Mem-
brum ejus Ecclesiæ in qua habet
domicilium , ac debere illi se
conformare. Excipe nisi adsit spe-
ciale Privilegium in contrarium

respectu unius vel alterius. Ad-
didi *nec sit Membrum alicujus Com-
munitatis in qua &c.* ut indicarem
eos Religiosos qui habentes do-
micilium Mediolani, nihilomi-
nus non sunt obstricti Ritu Am-
brosiano, neque in ordine ad Di-
vina Officia, neque in ordine ad
consuetudines &c.

Dubitabit 2. An obtinens Be-
neficio valdè tenue, & non suf-
ficiens ad tertiam partem con-
gruæ sustentationis in Ecclesia,
Ambrosiana censeatur addictus
ejusmodi Ritui? R. Videri quod
non: 1. Quia Beneficium tenue re-
putatur in jure pro non Beneficio
siquidem fructus exigui reputan-
tur nulli juxta illud *Parum pro ni-
bilo reputatur*, favetque textus *Cap.*
15. cui de præb. in 6.: 2. quia tale Be-
neficio non parit onus ad recita-
tionem Divini Officii, ergo neque
ad recitationem *talis* Officii seu
sub tali Ritui: 3. quia Clericum esse
deputatum alicui Ecclesie non stat
præcisè in eo quod quis habeat Be-
nefi-

neficiū, sed quod habeat Beneficiū specialiter datum ad infer-
viendum tali Ecclesiæ, vel anne-
xam habens obligationem infer-
viendi tali Ecclesiæ: collig. ex Sua-
rez to. 2. de Relig. l. 4. cap. 10. n. 11.
Potest autem Beneficiū aliquod
esse adeò tenue ac simplex, ut
ad nullum servitium specialiter
detur, & ad nullum obliget, &
consequenter qui illud obtinet
non censeatur deputatus & addi-
ctus tali Ecclesiæ.

Nihilominus verius puto ob-
tinentem in Ecclesia Ambrosiana
quodcumque etiam tenue Bene-
ficiū censerī addictū Ritui
Ambrosiano. Ratio mihi est quia
ex communi Sententia extra ef-
fectum suscipiendi Ordines per
quodcumque etiam tenue Bene-
ficiū constituitur quis Subditus
ejus Episcopi in cujus Dioecesi est
Beneficiū: ex Barbof. de Offi.
Ep. alleg. 4. n. 44. del Bene de
Imm. cap. 12. dub. 7. sect. 7. In-
noc. XII. In Bulla *Speculatores*:

Ergo à pari per quodcumque etiam tenue Beneficium constituitur quis Pars seu Membrum ejus Ecclesiæ in quo est Beneficium; nam ideo primum quia textus Canonici ad constituendum Subditum non explicant valorem & qualitatem Beneficii, sed simpliciter ac generaliter loquuntur de Beneficio: Atqui etiam Doctores, & S. Carolus ut supra ad constituendum aliquem additum alicui Ecclesiæ non explicant qualitatem Beneficii, sed generaliter loquuntur de Beneficio, ergo &c.

Neque obstant adducta in contrarium: Non 1. quia Beneficium quantumvis tenue, verum Beneficium est, cum sit jus percipiendi fructus ex speciali titulo: Non 2. quia Beneficium etiam tenue probabilius obligat ad Officium: ex Castrop. Suarez, Navarro, Bonacc. aliisque: Non 3. quia ibi Suarez explicat *ly deputatum Ecclesiæ* juxta Textum Ca-

nonicum loquentem ad effectum
psallendi in Choro, non quoad
coeteros effectus. Non negarim
tamen contrariæ Sententiæ suam
inesse probabilitatem, si Bene-
ficio fuerit tenuissimum non
perveniens ad tertiam partem,
Congruæ Clerici ordinarii.

13. Dubitabit 3. An Ambro-
sianus veniens Romam ad breve
tempus peregrinationis causa te-
neatur Divina peragere Ritu Ro-
mano? R. non teneri, sed posse uti
Ritu Ambrosiano cum consensu
& facultate Rectorum ejus Eccle-
siæ in qua vult Divina peragere,
quam facultatem ipsi præstare de-
bent si nulla rationabilis causa
obstet, ita coll. ex Suarez cit. di-
sput., & ex Verricelli de Apost.
Mission. q. 138. Ratio est quia opi-
nio est satis probabilis, eum qui
per locum aliquem transit non te-
neri per se loquendo & secluso
scandalo ad consuetudines ejus
loci. Dixi *cum consensu & facultate*
Rectorum &c. nam isti jus habent

ne quidquam innovetur sine suo consensu in locis suæ jurisdictionis. Dixi etiam *quam facultatem dare debent, nisi &c.* nam præfati Rectores nequeunt per negationem veluti improbare Riturum quem Romana Mater Ecclesia permittit & probat.

14. Dubitabit 4. An Sacerdos Romanus transiens per Mediolanum possit in Metropolitana, vel alia Ecclesia Ambrosiana Divina peragere Ritu Ambrosiano? R. Cum distinctione vel talis Sacerdos est communis, vel est Religiosus alicujus Ordinis, cujus Monasterium Romani Ritus sit in Civitate Mediolani? Si primum: Potest: ita Verricelli de Apost. Mission. q. 138. Tamburin. Method. Sacrif. lib. 2, cap. 2. n. 19. La Croix de Missa n. 368. Ratio est: quia Hospes licitè se accommodat legitimæ consuetudini loci in quo est quoad præcepta Ecclesiastica: Neque obstat Bulla S. Pii V., nam ipse non revocavit

vit jus commune, quo potest Advena se conformare consuetudini Dioecesis per quam transit.

Si Secundum : Non potest : Ita Tamburin, ac Verricelli loc. cit. Ratio est , quia cum in Ecclesia talis Ordinis servetur Ritus Romanus , & ipse sit Membrum talis Ordinis , illi se debet conformare ; Est enim perinde ac si esset in loco Ritus Romani : Neque obstat quod celebret in Ecclesia Ambrosiani Ritus, nam cum extet Ecclesia Communitatis Romanæ , & talis Sacerdos sit Pars hujus Communitatis , huic se debet accomodare.

16. Ex dictis inferes idem proportionaliter dicendum esse de Sacerdote Mediolanensi seu Ambrosiano alibi hospitante : Quare si hic fuerit Romæ poterit accomodare se Ritui Romano , nec obstat Præceptum S. Caroli , de quo supra meminimus , nam tale Præceptum non obligat existentes extra territorium Præcipientis.

tis, ac tritum est peregrinos non obligari legibus sui domicilii si tales leges non obligent in loco ubi morantur vel transeunt.

17. Advertas tamen hæcenus dicta de Peregrinantibus non procedere in Ritu universalis Ecclesiæ Latinæ aut Græcæ respectivè quoad *Azimum*, vel *Fermentatum*; Siquidem Latinus Hospes in Græcia nequit in Templo Græcorum consecrare in fermentato, nam sic consecrare est quasi speciale Privilegium concessum ipsis Græcis & lex ista de azimo & fermentato sic est specialiter recepta à Subditis, ut unusquisque morem suæ Ecclesiæ in qua habet domicilium servet. Ita Vasquez disp. 174. cap. 3. Aversa de Euca. quæst. 2. sect. 4. contra Verricelli de Apost. Miss. q. 138., & contra Dianam tom. 10. tr. 16. ref. 39.

18. Dubitabit 5. An Peregrini venientes ad breve tempus Mediolanum possint se conformare Ritui Ambrosiano quoad jejunia, alias.

aliasque consuetudines ? R. In primis damnandam esse ex intemperantia, uti damnat, & improbat S. Carolus, illorum Ingluviem, qui primis quatuor Quadragesimæ diebus Romanæ Ecclesiæ more institutis, Mediolanum se conferunt Patriæ Riturum in jejunio, & ciborum abstinentia fugientes. Deinde ad quæsitum ajo posse eos sine læsione legis de jejunio se moribus loci in quo sunt conformare; nam ex communi, nisi aliud obstat, possunt Peregrini uti Privilegio & favore loci ad quem deferuntur: Et quidem ajo *posse* etiamsi de industria Mediolanum veniant, ut evitent Jejunium quod viget in propria Patria, quia exeundo è loco ubi adest Præceptum fugiunt Præcepti onus, sicut ii qui dispensationem petunt, non autem violant: Accedit quod in fraudem legis non agit *qui utitur jure suo*, sed qui egreditur in aliquem locum etiam ex dicto fine, utitur jure suo, quia

quia egressus ex hoc fine ipsi nup-
 spiam reperitur esse prohibitus :
 Ergo &c. Neque obstat quod se-
 cus dicendum sit de eo qui de in-
 dustria transit ad locum ubi non
 est receptum Tridentinum ut vi-
 delicet sine Parocho & testibus
 contrahat ; nam disparitatem as-
 signat Card. de Lugo resp. mor.
 lib. 1. conf. 36. quem videas si lu-
 bet. Quare damnanda profectò
 est , ut dixi , eorum Ingluvies
 qui sic agunt ; res est enim Chri-
 stiano homine prorsus indigna ,
 siquidem ut rectè docet S. Criso-
 stomus hom. 44. *Nihil est gula per-
 niciosius , nihil ignominiosius : Atta-
 men haud censendi sunt violato-
 res Jejunii , qui ita operari velint.*

19. Dubitabit 6. An Ambro-
 siani diebus quibus ex proprio Ri-
 tu jejunare tenentur possint adire
 Monasterium exemptum Romani
 Ritus Mediolani existens , & sic
 evitare suam obligationem jeju-
 nii ? R. Non posse , quia cum in
 ea Civitate sint duæ veluti com-
 mu-

munitates altera Ritus Ambrosiani, altera Romani, & cum Ambrosiani sint Pars seu Membrum prioris Communitatis, non autem secundæ sequitur quod teneantur se conformare priori Communitati, non autem secundæ: Ita Verricelli q. 138. n. 7. Neque valet Regula supra data de Peregrinis exeuntibus Territorium ubi lex viget, nam adeuntes ejusmodi Monasterium non exeunt Territorium legis Ambrosianæ eos obligantis. Adde quod juxta Suarez de Censuris disp. 5. sect. 4. , & Castropalaum de leg. tract. 3. disp. 1. p. 24. sect. 5. Monasteria Regularium, in quibus sui Superiores Jurisdictionem non habent quasi Episcopalem in Personas alias distinctas à suis Religiosis non sunt *proprie* loca exempta ita ut aliæ Personæ Subditæ Episcopo ibidem transgredientes legem Episcopalem non fiant culpabiles, unde recte inquit Suarez: *Intelligendum censeo per locum exem-*

exemptum, non Ecclesias, aut Monasteria Religiosorum exemptorum, quæ nonnisi ratione talium Personarum exempta vocantur &c.

Et consequenter accedentes ad talia Monasteria Sæculares, aliique addicti Ritui Ambrosiano non excusantur à jejuniis indicio per Ritus Ambrosianum: Limites: Nisi conscientiam sibi efforment ex opinione asserente Privilegium exemptionis competens Monasteriis Regularium *quæcumque ea sit*, quoad jurisdictionem ordinariarum, suffragari etiam aliis Personis ibi existentibus, quæ opinio aliquibus videtur non improbabilis apud Peyrin. tom. 1. Privil. Const. 2. Sixti IV.

Dubitabit 7. Quare S. Carolus addictissimus Ecclesiæ Romanæ, fuerit Ambrosiani Ritus retentissimus? R. Rationem dari ab ipso S. Carolo in Sacramentali Ambrosiano ubi sic habet: *Nobis in hac Archiepiscopali Vigilia versantibus, ea præter cæteras una propo-*
ta

*ta est sollicitudo, ut quam Ecclesiæ
hujus hæreditatem sacram, jam
olim Ambrosius Sanctissimus à Bea-
tæ memoriæ Archiepiscopis Mirocle-
te, Eustorgio, & Dyonisio acceptam
se conservaturum dixerat, eam dein-
ceps ab ipso Ambrosio Patre auctam,
& perpetuo Sacrosanctæ Ecclesiæ Ro-
manæ Matris consensu retentam, &
Religiosa consuetudine, usuque Præ-
decessorum nostrorum, constantissimè
conservatam, nos pariter Deo bene
juvante, integram non modo serve-
mus, verum etiam si quam ejus par-
tem, vel negligenter omissam, vel
certè aliquo modo parum cultam ani-
madvertimus, diligentissimè itidem
& restituamus & excolamus.*

*Haftenus de Ritu Ambrosia-
no, de quo plura extant elogia
apud cit. Vicecomitem: Ad ex-
tremum observandum est ex
Ughellio: Hoc ad Mediolanensis
Ecclesiæ Dignitatem pertinere vel
maximè, quod in ipsa Italia, atque
adeo in Apostolicæ Romanæ Sedis
vicinia constituta, Ritum tamen in*
Sa-

Sacris proprium, ac peculiarem nihilominus retinet, instar Ecclesiarum Orientalium, quæ ab ipsa Orbis terrarum Principe Romana Ecclesia, longissimo itinerum intervallo disiunguntur: Atque id sanè fuit causæ, cur Mediolanensi Archiepiscopo nos obsequentes hanc qualemcumque de Ritu Ambrosiano institueremus dissertationem; nam sicuti multum rogat, qui causas rogandi affert; ita non parum obsequitur Viro præstantissimo, qui ea quæ sunt ipsi perhonorifica, quæque ab aliis obsequium exigunt, si minùs appositè, at certè ex animo commemorat.

Sanctæ Mediolanensis Ecclesiæ

SANCTI ANTISTITES

Ex Ughellio.

S. Barnabas Apostolus . Anno
Christi 40.

S. Anathalonus Græcus . Anno
Christi 47.

S. Cajus Sergius Romanus . An-
no 61.

S. Castritianus Mediolanensis .
Anno 27.

S. Kalimerus Græcus . An. 138.

S. Monas Mediolanensis . Anno
193.

S. Maternus Mediolanen. An. 282.

S. Mirocles Mediolanen. An. 303.

S. Eustorgius Græcus . An. 315.

S. Protasius . Ann. 331.

S. Dionysius Mediolanensis . An.
351.

S. Ambrosius Romanus . An. 374.

S. Simplicianus Mediolanen. An.
398.

S. Ve-

S. Venerius Mediolanen. An. 400.

S. Marolus Syrus . An. 409.

S. Martinianus Mediolanen. An.

424.

S. Glycerius Mediolanen. An. 432.

S. Lazarus an. 438.

S. Eusebius Mediolanen. An. 449.

S. Geruntius Mediolanen. An. 465.

S. Benignus Mediolanen. An. 470.

S. Senator Mediolanen. An. 480.

S. Laurentius Mediolanen. Ann.

490.

S. Eustorgius Græcus . An. 512.

S. Magnus Mediolanen. An. 518.

S. Auxanus Germanus . An. 566.

S. Honoratus Mediolanen. Ann.

568.

S. Joannes Ligur. An. 645.

S. Antoninus Mediolanen. An. 670.

S. Mauricillus Mediol. An. 673.

S. Ampelius An. 673.

S. Mansuetus Romanus è Sabello-
rum Gente . An. 677.

S. Benedictus Mediolanen. Ann.

681.

S. Natalis An. 749.

S. Bernardus Abbas Claravallen-
fis

sis electus Mediolan. Antistes .

Anno 1135.

S. Galdinus Card.S.R.E. An.1166.

S. Carolus Borromæus Mediola-
nen. An.1560.

Fredericus Card.Borromæus Me-
diolanen. S.Caroli Consobrinus
atque ejusdem Virtutum æmu-
lus . An, 1595,



OFFICIALES

Congregationis Sacerdotum ,

*Seù Casuum & Sacrorum Ca-
nonum sub Titul. B.V., &
S. Joan. Nepomucen.*

PROTECTOR

Illustrissimus ac Reverendissimus
Joachim Portocarrero Patriar-
cha Antiochenus.

PRÆFECTUS

Illustrissimus ac Reverendissimus
Ludovicus Valdina - Cremona
Episcopus Hermopolitan.

ASSISTENS I.

Illustrissimus ac Reverendissimus
Aloysius Guarchi Episcopus
Santorinen.

ASSISTENS II.

Illustrissimus Abbas Antonius Jo-
seph Solari.

SECRETARIUS

R.D. Antonius Gaffori.

Im-